

E faitauina foi Matua

Fesoasoani i lau tama i le – Faitauina

O se tasi o mea muamua lava e feagai ma tamaiti i le numera o le “faitauina”. E amata le a’oina o le faitauina pei o le a’oina o ata o upu, pei lava o tauloto (nursery rhyme). A o atinae pea le iloa faitau e le tamaititi, o le a amata ona latou faafesootai upu i aofaiga poo le numera o ni mea.

E faapefea ona a’oina e tamaiti le faitauina ma le faaogaina o fuainumera?

E a’oina e tamaiti le ata o le faitauina o upu i le tauloto ma toe tauloto pea. I le amataga, atonu o le a i ai ni motusaga o le a misi ai e le tamaititi se numera i le faasologa sao, poo le fai lava e le tamai-titi ia ni fuainumera. O se tulaga taatele lea, o le fai mai o le tamaititi luasefulu-sefulu pe a oo atu lana faitau i le luasefuluiva.

Ae peitai, o le manatuaina o upu mo fuainumera taitasi i le faasologa sao ua na o se vaega o le a’oina o le faitauina. Ina ia “faitauina”e manaomia ia faafetaui e tamaiti le faaleoga o le upu ma le fuainumera sao o le aofaiga o mea.

E tatau ona tuuina atu le tele o avanoa i tamaiti e faataitai ai ma suesue le faitauina o kulupu e pei foi o le faiga o ni kulupu. E manaomia foi tamaiti ina ia iloa maitau ma faaigoa mai fuainumera.



E faitauina foi Matua

O le a lau mea e mafai ona fai i le fale?

- Faitau ma lau tama le aofai o faamau a o e faaofu lona kalikeni poo lona ofutino.
- Faamalosi i lau tama e faitau le aofai o pine na e faaaoga e tautau ai le tagamea.
- Faitau le aofai o sitepu mai le faitotoa i luma sei o'o i le pusa meli.
- Faitau le aofai o fuamoa i le kakuni, ma toe faitau ina ua uma ona aveese nisi fuamoa.
- Faitau le aofai o taimi e fetogia'i ai la lua polo ma lau tama e aunoa ma le pa'ú i lalo.
- Faitau se tala poo se tauloto e faaaoga ai fuainumera.
- Usu se pese poo se tauloto e aofia ai fuainumera pei o le Five Little Ducks ma le Baa Baa Black Sheep.
- Fai i lau tama e faitau i le maualuga lava na te mafaia ia ona e fesoasoani lea i ai e faaauau pea lana faitauina.
- Fai i lau tama e amata mai lana faitau mai seisi fuainumera e ese mai le tasi. O le a fesoasoani lea pe a latou faaopopoina ni kulupu se lua ma amata mai le faitauina mai le kulupu lapoa.
- Fai i lau tama e tau mai ia oe le fuainumera i luma ma tua o se fuainumera. Pe fia ona tausaga i le tausaga fou? Poo le a lona matua sa i ai i le tausaga ua te'a?
- Fai i lau tama e aumai ia lava ipu mafolafola, iputi poo tui ma naifi mo tagata taitoatasi pe a sauni le laulau o mea'ai.
- Taaalo i ni taaaloga pei o le Snakes and Ladders, pelé poo taaloga laupapa e i ai le maa taisi e lúlú e i ai makauli. O le a fesoasoani ai i lou alo e iloa ai ata ia ma le faitauina foi. Sui la ia tasi le maa taisi e faailoa mai ai fuainumera e fesoasoani i lau tama e faitau ma iloa ai fuainumera.
- Ao ma faaputu ia atigifigota. Faitau pe fia o i ai i kulupu taitasi.



E faitauina foi Matua



- Vaavaai ma tau mai numera o laisene o taavale (number plates) ma faailoga o le auala.
- Fai i lau tama e faitau le aofai o fasi mea'ai a o e tipiina e pei o le pai, kisiei, fualaaui aina poo sanuisi.
- Fai se pa manu i pusa kakuni. Faitau ma lau tama le aofai o manu faataaloga a o ia tuuina i nei pa manu taitasi. Fesili fesili pei o: O fea le pa manu e pito tele ai manu? A uma ona toe tuu nisi manu i le pa, taofi ae toe faitau a o faaopopo atu lava.
- Fesoasoani i lau tama ia manatuaina le numera o la outou telefoni ma ia oomi sao ia faamau o fuainumera i le telefoni.